



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

Quando ludibrio habemur. Exercitium 13

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

uimus, omni potius contemptione & despectu digni sumus.

Petitio.

O Btestabimur Dominum, vt non patiatur nos cor nostrum in honoribus huius mundi figere, ne possideatur ab eis; sed faciat, vt spretis illis ac pro nihilo habitis, verum & solidum honorem, qui in hoc solo consistit, vt maiestati eius famulemur ac placeamus, amplectamur.

Oblatio.

Offeremus Domino honorē, quo afficimur, agnoscentes illi soli, omnem deberi gloriam & honorem, qui est omne bonum.

Quando ludibrio habemur.

Exercitium 13.

Psal. 68. Quoniam propter te sustinui opprobrium, operuit confusio faciem meam.

Isai. 51. Nolite timere opprobrium hominum, & contumelias eorum ne metuatis.

Psal. 118. Aufer à me opprobrium & contemptum, quia testimonia tua exquisiui.

Psal. 21. Ego autem sum vermis & non homo, opprobrium hominum & abiectio

bb 5

plebis,

plebis, omnes videntes me deriserunt me.

Consideratio.

Considerabimus Christum Dominum nostrum, quamuis esset gloria Angelorum cui immensus honor debebatur, tempore passionis suæ ludibrio habitum & contumelijs affectum fuisse.

Gratiarum actio.

Gratias referemus ei, pro occasione quam nobis exhibet, vt aliquid illius gratia perpeti possimus : nec non quia placuit ei nos vestire suis insignibus, suumq; calicem potandū nobis præbere.

Confusio.

Verecundia replebimur, perpendentes, iustè nos commeritos esse omnem hanc irrisionem, & quamlibet aliam quæ nobis ab hominibus irrogari possit: quandoquidem ante multis sæpe facinoribus Deum offendimus.

Petitio.

Orabimus Deum, vt nobis tribuat gra-

at gratiam tranquillo & patienti animo hoc ludibrium tolerandi, simulq; supplicabimus, pro eo qui nos eo ludibrio afficit, vt si hoc facto Dei indignationem incurrit, huius criminis agnitionem pariter & veniam ei clementer elargiatur.

Oblatio.

Offeremus nos Domino, ad huius & cuiusuis alterius irrisionis & contumeliæ, per quam gratum ei obsequium præstare possimus, hilarem perpeffionem, eamq; innumeris illis ludibrijs & irrisionibus quæ ipse nostri causa dum in hoc mundo versaretur placidè sustinuit coniungemus.

Quando laudamur

Exercitium. 14.

Luc. 1. Magnificat anima mea Dominum & exultauit spiritus meus in Deo salutari meo.

*Pfalm. 35. Benedicam Dominum in omni
bb 6 tempo*